

Na osnovu člana 74. Zakona o visokom obrazovanju, prečišćeni tekst („Službene novine Kantona Sarajevo”, broj: 42/13), Odluke Nastavno-naučnog vijeća Građevinskog fakulteta u Sarajevu broj: 02-1-976-4/15. od 13. 7. 2015. godine i Saglasnosti Senata Univerziteta u Sarajevu broj: 01-5861/15 od 30. 9. 2015. godine

**UNIVERZITET U SARAJEVU  
GRAĐEVINSKI FAKULTET U SARAJEVU**

raspisuje

**KONKURS  
za upis studenata na III (TREĆI) CIKLUS STUDIJA (DOKTORSKI STUDIJ)  
u studijskoj 2015/2016. godini**

**I**

Konkurs se raspisuje za upis studenata na treći ciklus studija (doktorski studij) iz oblasti/polja:

1. građevinarstva
2. geodezije

Studij se organizira kao vanredni studij u trajanju od tri godine i vrednuje se sa 180 (ECTS) bodova, a njegovim završetkom stječe se akademska titula i naučno zvanje doktora tehničkih nauka/znanosti iz oblasti građevinarstva odnosno geodezije.

**II**

Pravo učešća na Konkursu za upis u prvu godinu doktorskog studija imaju:

- kandidati koji su stekli diplomu drugog ciklusa studija akademskog zvanja magistra (sa ukupno 300 ECTS bodova) ili ekvivalenta iz oblasti građevinarstva odnosno geodezije ili drugih tehničkih i biotehničkih nauka;
- kandidati koji su stekli zvanje diplomiranog inženjera građevinarstva odnosno geodezije prema predbolonjskom sistemu studiranja, a u postupku ekvivalencije na Građevinskom fakultetu u Sarajevu im je to zvanje izjednačeno sa zvanjem magistra građevinarstva odnosno geodezije;
- kandidati sa znanjem stranog jezika u stepenu koji im omogućava da koriste stranu literaturu.

Kandidati koji su stekli diplomu drugog ciklusa studija akademskog zvanja magistra ili ekvivalenta iz oblasti drugih tehničkih ili biotehničkih nauka obavezni su da polože određene razlikovne ispite iz studijskog programa građevinarstva odnosno geodezije, koje utvrdi Vijeće doktorskog studija.

Razlikovne ispite doktorant upisuje nakon upisa na studij. Doktoranti su dužni položiti razlikovne ispite do upisa u treći semestar. Razlikovni ispiti ne ulaze u fond sati doktorskog studija.

- Pravo upisa direktno na drugu godinu studija imaju kandidati koji su stekli naučni stepen magistra nauka iz oblasti građevinarstva odnosno geodezije, u skladu sa propisima koji su bili na snazi prije uvođenja bolonjskog sistema studiranja, kojima se u skladu sa Zakonom o visokom obrazovanju Kantona Sarajevo priznaje 60 ECTS odnosno prva godina studija.

Kandidati koji su strani državljani prijavljuju se na Konkurs pod istim uvjetima kao i državljani Bosne i Hercegovine, uz prethodno akademsko priznavanje diplome ranije završenog ciklusa/stepena obrazovanja.

Visina školarine iznosi 7.000,00 KM po studijskoj godini.

Uz prijavu na Konkurs, kandidati su obavezni dostaviti:

- diplomu o završenom prethodnom obrazovanju (original ili ovjerena kopija),
- uvjerenje o položenim ispitima ili dodatak diplomi (original ili ovjerena kopija),
- uvjerenje o poznavanju jednog stranog jezika (original ili ovjerena kopija),
- izvod iz matične knjige rođenih,
- uplatnicu u iznosu od 100,00 KM na transakcijski račun Građevinskog fakulteta u Sarajevu kod Raiffeisen banke d.d. Sarajevo broj: 1610000002610087, u svrhu obrade podataka.

Konkurs ostaje otvoren 15 dana od dana objavljivanja u dnevnim novinama.

Prijave sa navedenom dokumentacijom treba dostavljati na adresu: Građevinski fakultet u Sarajevu, Patriotske lige 30, 71000 Sarajevo, ili neposredno u Studentsku službu.